

景明刻本  
古今逸史

三三

皇朝通志卷之六

七

汲冢周書卷六

晉

孔晁注

明

吳瑄校

周月解第五十一

時訓解第五十二

月令解第五十三

謚法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動于

黃泉陰慘于萬物是月斗柄建子始昏北指陽氣虧

草木萌蕩日月俱起于牽牛之初右回而行月周天起一次而與日合宿日行月一次周天歷舍于十有二辰終則復始是謂日月權輿周正歲道數起于時一而成于十次一爲首其義則然凡四時成歲有春夏秋冬各有孟仲季以名十有二月中氣以著時應春三月中氣雨水春分穀雨夏三月中氣小滿夏至大暑秋三月中氣處暑秋分霜降冬三月中氣小雪冬至大寒閏無中氣斗指兩辰之間萬物春生夏長秋收冬藏天地之正四時之極不易之道夏數得天百王所同其在商湯用師于夏除民之災順天革命

改正朔變服殊號一文一質示不相沿以建丑之月  
爲正易民之視若天時大變亦一代之事亦越我周  
王致伐于商改正異械以垂三統至於敬授民時巡  
狩祭享猶自夏焉是謂周月以紀于政

時訓解第五十二

立春之日東風解凍又五日蟄蟲始振又五日魚上  
冰風不解凍號令不行蟄蟲不振陰姦陽魚不上冰  
甲冑私藏雨水之日獺祭魚又五日鴻鴈來又五日  
草木萌動獺不祭魚國多盜賊鴻鴈不來遠人不服  
草木不萌動果蔬不熟驚蟄之日桃始華又五日倉

庚鳴又五日鷹化爲鳩桃始不華是謂陽否倉庚不  
鳴臣不口主鷹不化鳩寇戎數起春分之日玄鳥至  
又五日雷乃發聲又五日始電玄鳥不至婦人不口  
雷不發聲諸侯口民不始電君無威震清明之日桐  
始華又五日田鼠化爲鴛又五日虹始見桐不華歲  
有大寒田鼠不化鴛國多貪殘虹不見婦人苞亂穀  
雨之日萍始生又五日鳴鳩拂其羽又五日戴勝降  
于桑萍不生陰氣憤盈鳴鳩不拂其羽國不治兵戴  
勝不降于桑政教不中立夏之日螻蟴鳴又五日蚯蚓  
出又五日王瓜生螻蟴不鳴水潦淫滂蚯蚓不出

嬖奪后王瓜不生困於百姓小滿之日苦菜秀又五日靡草死又五日小暑至苦菜不秀賢人潛伏靡草不灰國縱盜賊小暑不至是謂陰慝芒種之日螳螂生又五日鵙始鳴又五日反舌無聲螳螂不生是謂陰息鵙不始鳴令姦壅偪反舌有聲佞人在側夏至之日鹿角解又五日蜩始鳴又五日半夏生鹿角不解兵革不息蜩不鳴貴臣放逸半夏不生民多厲疾小暑之日溫風至又五日蟋蟀居辟又五日鷹乃學習溫風不至國無寬教蟋蟀不居辟急恒之暴鷹不學習不備戎盜大暑之日腐草化爲螢又五日土潤

溽暑又五日大雨時行腐草不化爲螢穀實鮮落土  
潤不溽暑物不應罰大雨不時行國無恩澤立秋之  
日涼風至又五日白露降又五日寒蟬鳴涼風不至  
無嚴政白露不降民多邪病寒蟬不鳴人皆力爭處  
暑之日鷹乃祭鳥又五日天地始肅又五日禾乃登  
鷹不祭鳥師旅無功天地不肅君臣乃日農不登穀  
暖氣爲災白露之日鴻鴈來又五日玄鳥歸又五日  
羣鳥養羞鴻鴈不來遠人背畔玄鳥不歸室家離散  
羣鳥不養羞下臣驕慢秋分之日雷始收聲又五日  
蟄蟲培戶又五日水始涸雷不始收聲諸侯淫佚蟄



蟲不培戶口靡有賴水不始涸甲蟲爲害寒露之日  
鴻鴈來賓又五日爵入大水化爲蛤又五日菊有黃  
華鴻鴈不來小民不服爵不入大水失時之極菊無  
黃華華不稼穡霜降之日豺乃祭獸又五日草木黃  
落又五日蟄蟲咸俯豺不祭獸爪牙不良草木不黃  
落是爲愆陽蟄蟲不咸俯民多流亾立冬之日水始  
冰又五日地始凍又五日雉入大水爲蜃水不冰是  
伏陰負地不始凍咎徵之咎雉不入大水國多淫婦  
小雪之日虹藏不見又五日天氣上騰地氣下降又  
五日閉塞而成冬虹不藏婦不專一天氣不上騰地

氣不下降君臣相嫉不閉塞而成冬毋后淫佚大雪  
之日鳴鳥不鳴又五日虎始交又五日荔挺生鷄鳥  
□□□□虎不始交□□□□荔挺不生卿士專權  
冬至之日蚯蚓結又五日麋角解又五日水泉動蚯蚓  
不結君政不行麋角不解兵甲不藏水泉不動陰  
不承陽小寒之日鴈北向又五日鵲始巢又五日雉  
始雊鴈不北向民不懷主鵲不始巢國不寧雉不始  
雊國大水大寒之日雞始乳又五日鷺鳥厲疾又五  
日水澤腹堅雞不始乳淫女亂男鷺鳥不厲國不除  
兵水澤不腹堅言乃不從

謚法解第五十四

維周公旦太公望開嗣王業攻于牧野之中終葬乃

制謚叙法謚者行之迹也號者功之表也車服位之

章也古者有大功則善號以為福也是以大行受大名細行受小名

行出於己名生於人名謂號謚一人無名曰神不名善稱善

口間曰聖所稱得人所善得實所別得簡敬賓厚禮曰聖聖於禮也德象

天地曰帝同於地靜民則法曰皇靜安仁義所在曰王從民

也立制及衆曰公志無私也執應八方曰侯所執行八壹

德不解曰簡壹不委曲平易不疵曰簡疵多病也經緯天地曰

文成其道也道德博厚曰文無不知之學勤好問曰文不耻問慈

惠愛民曰文文惠以成也愍民惠禮曰文以禮安人錫民爵位

曰文舉也剛疆直理曰武剛無欲疆不撓直正無曲理忠恕也威疆散

德曰武思有德者散也克定禍亂曰武以兵征故解也刑民克服曰

武法正民能使服大志多窮曰武大志行兵多所窮也敬事供上曰恭

恭奉也尊賢貴義曰恭尊貴賢人寵貴義士尊賢敬讓曰恭敬有德讓

有功既過能改曰恭言有智也執事堅固曰恭守正不移安民長

悌曰恭順長按弟執禮敬賓曰恭迎侍賓也芘親之門口恭無德

以益也尊長讓善曰恭不尊已善推於他人淵源流通曰恭性無所忌

也照臨四方曰明以明照之譖訴不行曰明逆知之行威儀

悉備曰欽威則可畏儀則可象大慮靜民曰定思樹也安民大慮

曰定以慮安民安民法古曰定不失舊意也純行不二曰定壹行

不傷謀慮不威曰德不以威相拒也辟地有德曰襄取之以義甲冑

有勞曰襄言成征伐有伐而還曰釐知難而退質淵受諫曰釐

深故能受慈惠愛親曰釐言周愛親族也博聞多能曰獻雖多能不至大

道聰明散哲曰獻有通知聰也溫柔聖善曰懿性純淑也五宗

安之曰孝五世之宗也協時肇享曰孝協合肇始也常如始秉德不

回曰孝順於德而不逆大慮行節曰孝言成其節執心克莊曰齊

能自齊也輔輕供就曰齊輕有所輔而供成也溫年好樂曰康好豐年勤

民事安樂撫民曰康無四方之虞令民安樂曰康富而教之安民

立政曰成政以安之布德執義曰穆穆純也中情見貌曰穆

任曰敏以敬順曰傾無所不敬順也昭德有勞曰昭能勞聖

文周達曰昭聖文通治也保民耆艾曰胡六十曰耆七十曰艾彌年

壽考曰胡年也疆毅果敢曰剛疆於仁義致果曰毅追補前過

曰剛勸善以補過也柔德考衆曰靜成衆使安也供已鮮言曰靜

供已之身無鮮言而正寬樂令終曰靜性寬樂義以善自終治而清省曰平

無失闕之病也執事有制曰平在位平意也布網治紀曰平施之政事

由義而濟曰景用義而成也布義行剛曰景以剛行義也清白

守節曰貞行清白志固也大慮克就曰貞能大慮非正則不可不隱無

克曰貞坦然無私也疆以剛果曰威疆甚於剛也猛以疆果曰

威亦疆甚於剛也疆毅信正曰威信正言無邪也辟土服遠曰桓兼人

故啓上也道德純一曰思道大而德一也不啻兆民曰思大親民而不殺

外內思索曰思言求善也追悔前過曰思思而能改也柔質受

課曰惠以惠愛惠能思辯衆曰元別之使各有次也行義說民曰

元民說其義始建國都曰元非善之長可一始也主義行德曰元以義

爲主作德政也兵甲亟作曰莊以數征爲嚴勦通克服曰莊通達使能

服也死於原野曰莊非嚴何難屢征口伐曰莊以嚴口之武而

不遂曰莊武功不成克殺秉正曰夷秉正不任賢也安心好靜曰

夷不爽正也執義揚善曰懷私人之善慈義短折曰懷短未六十折未

三夙夜警戒曰敬敬身思戒夙夜恭事曰敬敬以莅事也象方

益平曰敬法以敬也合善法典曰敬非敬何善也述善不

克曰丁不能成義述義不悌曰丁不悌不遜順也有功安民曰烈

以武立功秉德遵業曰烈遵世業不墮改剛克為伐曰翼成功也思

慮深遠曰翼好遠思白能也剛德克就曰肅成其不欲使為就執心

決斷曰肅言嚴果也愛民好洽曰戴好民治也典禮不塞曰戴

口死而志成曰靈立志不口命也亂而不損曰靈不口極知以治

鬼事曰靈知其能聯徹也不勤成名曰靈本任性不賢思齊死見鬼

能曰靈有鬼為厲好祭鬼神曰靈敬鬼神不短折不成曰能遠也

殤有知而未大殤也未家短折曰殤未家者未室家也不顯尸國曰隱

以闇主隱拂不成曰隱言其隱拂改其性也年中旱夭曰悼年

肆行勞祀曰悼志肆肆行勞祀曰悼縱於心勞於淫祀言不脩德也恐懼從處曰悼從處



言口也 不思忘愛曰刺忌其愛已者也 懷恨遂過曰刺去諫曰

曰限外內從亂曰荒官不治家不理 好樂怠政曰荒淫於聲色故怠政事

在國逢難曰愍逢兵寇之事也 使民折傷曰愍苛政賊害 在國連

憂曰愍仍多 禍亂方作曰愍國無政動長亂 蚤孤短折曰哀

卑者未知人事 恭仁短折曰哀體恭質仁功未施也 蚤孤有位曰幽喪

即位而卒也 壅遏不通曰幽弱損不日也 動祭亂常曰幽易神

克威捷行曰魏有威而敏行 克威惠禮曰魏有威而敏行也 去禮

遠衆曰煬內好外則荒 政魏心動懼曰甄甄積也 容儀恭美

曰勝有儀可象行恭可美 威德剛武曰圉亂患也 聖善周聞

曰宣聞謂所聞善事也 治民克盡曰克盡無恩惠也 行見中外曰

司書 卷之六